

柳州府志卷之四

山川 附關梁

粵西山水最為奇特而柳居上游非徒以名勝侈觀美也蓋由郡所屬山水而計之蜿蜒磅礴綿且數千里其神必靈故能興雲雨利舟楫惠濟民生澤及萬物功且與岳瀆等况扶輿清淑之氣代有所鍾生而為人則山甫申伯光輔巖廊萃而為物則金錫丹砂用充庭寔至設關以禦奸宄為梁以通商賈皆王政之大經即山川之所以效厥職者

柳州府志 卷之四 山川 附關梁

也志山川

馬平縣附郭

天馬山在縣城南近大江高出群山之上其下有

揚文廣洞俗名馬鞍山

駕鶴山在城東南聳立如孤鶴臨大江舊有駕鶴

書院今燬

仙奕山在城西南詳古蹟

鷺山在城西二里隔江十里水自半嶺噴出流小

河入大江遠望如雙鷺飛舞又名深峩山唐柳宗

元有詩

甌山在水南山形獨立廣百尋高五丈

天山在水南村後石壁上有天山萬里四字

石魚山在城西南三里山小而高形如立魚一名

立魚峯山畔有立魚岩岩下三洞相通玲瓏深秀

多名人題詠旁有龍潭

屏山在城南開展如屏宋陶弼有詩

奕貴雙山在城北二十里即柳子厚記中所稱背

石山也東山曰桃竹西山曰雀兒

柳州府志

卷之四

山川

附關梁

二

鳳凰山在江南去城四五里

文筆山在城西二十里山勢卓立直上如筆

龍壁山在城北三十里油榨村對岸石壁似龍形

下臨灘瀨宋陶弼稱烟霞洞天

雷山在城南夾道

鵲山在城北隅郡城之主山也古名樂山

四姥山在城西五里四面對峙

東臺山在城東其一崖面江相傳有龍鬚常浮水

面又名龍鬚崖

相臺嶺在城東北十里又十里曰將臺嶺
走馬嶺在城西綿亘二十餘里又一峯特起曰金山

鷓鴣堆在縣學前諺云鷓鴣堆起狀元歸
新洞山在城西南十里有穴觸之如鐘聲

九兜山在城南

梯山在城東形如梯級

蟠龍山在城東旁有陸道巖空潤明爽下臨澄潭
明王啟睿隱此著有蟠龍岡志

柳州府志 卷之四 山川 附關梁

三

獨靜山在城東十五里

馬鹿山在城東兩山宛如鹿牝牡相逐

覆鐘山在城東

筍山在城南兩山對峙其形如筍

槎山在城南十五里

白面山在城南四十里

穿山在城南八十里上有洞通山後

夾板山在犁冲對岸其右岸有鼓山左岸有旗山

關公山在城南

紅羅山在城南六都堡旁

牛蹄崖在陽合村下有牛蹄跡

沙子嶺在城南

覆船嶺在洛溝又名一字文峯

梳妝嶺在封門峽後相傳揚文廣之妹聞兄被儂

智高所陷至此改妝而去

柳江一來自古坭一來自慶遠合流至郡又東南

入象州界

鷺江即莪水

柳子厚記云莪山在野中無麓莪水出焉在文筆峰下會大江又有飛瀑水即鷺山所出又名長塘

柳州府志

卷之四

山川

附關梁

四

黃陂水在城西三十里源出黃吉山合鷺水入柳
州

大龍潭在立魚巖之南雷水出焉旱則祈雨於此

有張忠簡公釣魚臺羅象三龍隱洞又稱南潭

小龍潭在立魚巖下陸鴻漸茶經名為圓泉

羅池本在舊州治宋末徙州治於龍江州人復鑿

池於廟左以誌侯德

白蓮池在北關外池有九竅泉出其中

放生祝聖池在江之南石壁上鐫有四字

靈泉在城西七十里不涸不流

耳井在仙奕山下隨江消長雖旱不涸
城北井有柳侯銘

潯羅江由龍溪步經三江橋入大江

喇堡江由二都流至一都入大江

土垢江由四都流至一都入大江

官埠江由四都流至一都入來賓江

黑壅江在六都中里

上汀洲在城北

柳州府志

卷之四

山川

附關梁

五

黃安洲在黃村上

老鷹洲在城北漁人多於此泊舟

橫馬洲在東門渡下

龍村洲在洛垢墟

風陵洲在六都上里

流鵝洲在江口下

磨盤洲在犁冲下又有上磨灘在城西水中有磨

盖下磨灘在城東水中有磨底

板灘在由穿村

楊灘在劉村

黃灘在洛垢墟

七里灘在龍村

三門灘在三門渡

囉唆灘在社灣村

樂為灘在楊合村

橫賴灘在犁冲

龍漢潭在二都

豢龍潭在五都明計氏豢龍於此詳傳

柳州府志

卷之四 山川

附關梁

六

響水泉在水南江岸水味甘美

冷水泉在城南對江冲内

仙山倒影塘即天馬山之影在右江道署前凡塘

只見半影此塘全影俱見水泉澄碧冬夏不涸中

產鯽魚名荷包鯽其性得土之中氣至秋始肥味

極甘美益人脾胃非凡鯽所及往時近署居民每

於塘内畜鴨浣衣污穢不堪乾隆二十七年秋右

江道王錦於兩塘四圍捐設闌干一以杜作踐一

以肅觀瞻云

維容縣

主山在北門外縣治倚之故名

雙童山在主山左

聚講山在主山右

會仙巖在城南五十里蒼秀玲瓏下有碧潭

如來山在城北七十里昔傳有神女出遊地稱名

勝

白象巖在城西七里上有上中下三巖上巖相傳宋
狀元王世則讀書處中巖有石刻白象巖三字又

柳州府志

卷之四

山川

附闕梁

七

有兩大字如篆文磨滅不可識下洞有石刻天然
大廈四字內大士座前有藤二本約高二十餘丈
上出石罅挺直如柱石壁刻世則詩

屏石山在舊縣西北十里峯巒高聳下有石巖出
泉

思微山在舊縣二十里有甘泉四時不竭

西眉山在城東北八十五里

鷹山在舊縣城內

白龍巖在舊縣東

嚮山在城北七十里

雷村山舊名雷洞在城北七十里

謝八山在城北七十里

內外崗在城北七十里

川巖在城北六十里

雞站山在城北九十里

平頭山在城北八十里

龍屯山在城西二十里蜿蜒盤曲如龍

大山崗在城西二十五里

柳州府志

卷之四

山川

附關梁

大定山在城北七十里

橫山通志作橫賴山在城北七十里

佛子嶺在城東十里

思羅嶺在城東三十里

樟樹嶺在城東七十里

高嶺在城西二十五里

羅子山在城西南三十五里

都嫩山在城西南三十五里

牛角嶺在城西北三十五里

六阨嶺在城西二十里

大墮山在城西南四十里

馬蹄嶺在城南四十里

六寨山在城南三十里六峯聳峙山下有二泉湧出

六百嶺在城南五十里其西十里為大河嶺又十里為大窟嶺

丙和嶺在城東南六十里與平樂之修仁接界
大歇嶺在城南六十里

柳州府志

卷之四

山川

附關梁

九

山道江在城東自永福來會洛清江流至三江口入柳江

洛清江在城南自永福歷縣治經江口鎮亦名運江又合柳江下象州

三門江在城西自柳州來至江口合洛清下象州
龍鼻江在城西北源出柳城縣自東泉鎮流經縣西入洛清

運江在城南自柳江來直達潯梧
平潭江源出東泉鎮合大江

柳城縣

青鳳山在城南十里高百餘丈直入雲霄上有一
竅明朗外徹又名穿山為縣案山

烏鸞山在城南二里如鸞展翅江流遠其下有潭
澄清徹底其石多黑

文筆山在城北五里尖銳如卓筆

牛軛山在城東南三里

雲蓋山在城西二十五里高大峻聳雲起橫覆如
蓋

柳州府志

卷之四

山川

附關梁

十

龍坪山在東鄉北和里上有一坪坪下有潭水深
莫測遇雨則潭中聞鐘鼓聲

龍尾山在北鄉上團里

筆架山在城東十里與造化巖並峙又東五十里
為穿龍寨

造化巖在城東岩狀秀削巧若天工

西山在城西三十里

勒馬山在城北對江舊縣治在其麓山形曲轉如
勒馬狀

伏虎山在城東北八里許山形似虎又有一山似驢一山似驃三山並峙

龍船山在城東北十里平地突起石崖峭拔前低後軒其形似船

晒網山在城北十里上銳下展形似晒網又城東北十里有仙人跡

磬山在城北五里即覆釜山頂平圓倒垂故名通志作銅磬山修人山在城北八里

柳州府志

卷之四

山川

附關梁

十一

崗旗山在南村堡後峻拔如人拱立久旱山頂煙霧即雨

小東山在城北七十里

紗帽山在城西八十里

三馬山在城西六十里三山鼎峙如馬又名菩薩山

轎頂山在城北二十里山頂如轎蓋

古清山在城東七十里

蘆仙道巖在東里內有仙人牀仙人座相傳仙道

出入即有大風雨

其崇巖在城西二十里

龍巖在東鄉北和里每歲五月土人賽龍舟先期巖內聞簫鼓聲

狗頭巖在城北六十里四圍削壁懸梯二丈餘穿巖上頂平曠可容數千人

馬鞍山在城北六十里又北十里為天星寨落涯巖在城西四十里融江邊峭壁懸崖一穴可入內容數千人

柳州府志

卷之四

山川

附關梁

十三

龍江在城西南梁時八龍見於江故名西北為鸞洲漁舟皆泊於此

龍潭在城北八十里

古清河在大社里出古城合大河

落滄江離城十里源出維容合大河

馬跑水在城西七十里又名湧珠泉舊志謂諸葛武侯南征過此馬跑出泉故名

羅城縣

鳳凰山在縣治北九里石壁峭立如屏山半有巖

石古稱為丹鳳啣書又形家云鳳入網羅此羅城
料名鮮有達者

直滿山在城東北二里許高峯矗立聳出群山之
上山半有洞名黃坭巖洞內塑佛像石乳倒垂涼
氣逼人夏可避暑值雨瀑布如珠縣治來龍發源
於此

葵山在城西十里

青雲山在城西二十里

東黃山在城東三十五里上有淵秀岩

柳州府志

卷之四

山川

附關梁

三

覆鐘山在城北十里形如鐘覆

馬山在城南十里平地聳立群山環繞其形如馬

遠望煙雲變幻為學宮向山

石硯山縣志在城西里許卓立端正方平如硯從

旁小山如水注後山環列如筆架

仙花山在城北五十里

冰山縣志在城北四十里色瑩淨如冰玉

伏安山在城東北二十里

青陵山在城西北八十里山勢綿亘通楚黔兩省

相傳中多仙跡昔有人入山採笋遇一老人坐桃
樹下摘寔啖之歸已旬餘再往不識所在
中寨岩在城西南山極玲瓏岩深不可測高難登
躋土人修石橋蜿蜒而上舊有雌雄二鐘其聲相
和歲旱禱雨輒應岩中產鴛鴦石置醯中離而復
合

迴龍岩在城東南十里岩徑幽邃昔土人避兵內
有蛇盤踞如蟒衆傷之後修溝洫不成衆始悔悟
前蛇或龍也塑佛岩中洫乃成因名回龍圳土人

柳州府志

卷之四

山川

附關梁

古

利之

磨盤山為入通道鎮咽喉之所山徑崎嶇難行巖
壁多產秋海棠

雞拱山

鸞墩山

白石山俱在西一里

大黃山在通道鎮岑崗地接貴州界離鎮二百八
十里

長春山在迎春亭前三峯台峙

獅子山在城西江旁

旗山有堡

西江在城西門外發源銀村經西九里潛地而行至慶遠思農里復出合慶遠江霪雨泛漲水壅難消冬涸橋北露方石上鐫太平石三字

武陽江在城北六十里發源四堡經平西高懸二里引下流至沙拱入融江傍崗河經布政里至寨登村與江水合

聖水在城西九十里出石硯山下

柳州府志

卷之四

山川

附關梁

十五

龍潭在城東門外上有雷王廟歲旱禱雨響應

龍泉潭在城西六十里潭深不測

凉水塘在城北一百十里近崗祿塘瀑布懸崖千尺冬夏不絕崖下水激成潭奔濤驚湍如萬斛明珠水流至寨印堡合入武陽江

三房江在通道鎮水入融縣背江

子得江在通道鎮為黔粵交界

融縣

寶積山在城東九十里產爐井石及鐵又東二十

里為古清山

鐵船山在城西三十里形似一船尾插絕頂巖間採藍崗在城東北四十里四山環列洞中平地如砥石上有硃書採藍洞三字

石門山在城西北十五里兩峯夾峙江岸石崖峻削如門

德巖即彈子巖在城西五里產石甚圓形如彈子有石刻彈子巖三字明桑悅改名開邃巖有記雲際山在城北十五里出雲必雨有翠玉寒碧二

泉

老人巖在城西南三里傳有老人拄杖於此登者俯視萬象如在雲際其下一巖尤竒怪蓄水澄泓淵深莫測每風雨見有蛟龍出入云

玉華巖在城西北四里下一石如虎上一石如龍俗謂之龍吟虎嘯稍近有洞亦曰玉華光怪陸離翠碧繡錯其右即鯉魚巖邃壑幽秀碧泉寒冽為帶江之源

劉公巖在城南四里舊名西峯宋紹定間郡守劉

繼祖命報恩寺僧智性闢之

文筆峰在城南三十里南離並峙即古都山為邑之案山峯右開障形如挂榜左為大將山宋李允簡居其下代有令德人謂此山所鐘云

聖山在插旗山北二十里高數百丈上有虞帝廟前為長安司署後為龍口陽墀板狺聚處

銅鼓山在城西南二十里舊傳諸葛武侯埋銅鼓以厭蠻獠後人得銅鼓於此山下為銅鼓灘天堂山在城東北六十里有泉不涸水最清耳

靈巖在城南五里舊名老君洞中有白石形如老君靈壽溪貫入岩下清響作環珮聲宋太宗頒御書百二十軸藏於洞改名真仙岩張孝祥磨崖大書天下第一真仙之岩

石梯山在城東十里高數百丈勢極峻險左有天皇山右有牛岡平北兩山群峯疊矗若陣雲石吾山在城北十里連朝母將軍象鼻諸山逶迤而至於江

倉帽山在城東北五十里連峯疊嶂攀躋俱絕

插旗山在城北五十里南連二十四岫險不可陟
獅子山在插旗山北青石稜稜如獅子狀
鷓鴣山在城北四十里山連江渚水映巖阿有鷓
鴣白鹿諸勝隔江為大槻山山後為古會山群峯
聳拔與鷓鴣相望
四盤嶺在聖山東上下二十餘里嶺道縈紆
四回山在聖山北二十里群峯環繞中多材木
珠玉山在四回山東綿亘江側逶迤數里相傳昔
人採珠於此

牛嶺在城東南五十里亂石輪囷形如牛眠
自行山在牛嶺南三十里
六勞山在城東南七十里
會仙岩在城北二里有洞如石室或題云小蓬萊
仙人崖在東鄉古黎村崖際有洞猿不能到昔傳
有仙子曬衣於此
獨秀山在城西北半里孤峯獨立高百丈上有祖
師臺大士殿俯視城中瞭然在目
浪溪山在城東五十里

樂聖山在城東六十里其高甲於諸山登之可望
柳州上有石池藏怪物

大旗山在城西一里三山排列如屏障其中一峯
曰香山舊有香山驛梁吳二侯古廟在其麓康熙
三十三年知縣梁廷柱構登豐亭其下有碑記雍
正二年巡檢金璧重建立碣

九頭山在城西古選村九峯相連
仙屏山中空洞有仙人石形如拱立

壽山在城東五里有吳寶盧仙跡硃書壽山二字

柳州府志 卷之四 山川 附關梁

九

至今不磨

羊角山在城南七里高百丈外秀中空廠濶可容
百人舊為避兵處

攬口山在城西北十五里連延數十峯高千丈深
林蜜箐間出不逞為邑要區西有秦嶺高與之齊
通龍朋大段自秦嶺而連亘為小源通大難諸徭
逸西為崩嶺鐵嶺鵝頸分水香爐新路諸山皆其
支派

韶潭岩在城西北二里洞極宏敞夏涼冬溫可坐

千人中有一泉滄涵可鑑昔人避兵於此號曰小桃源近為居民藝種山徑逼仄背江洞在城西北二十里萬山包絡曲澗縈迴中有江為邑要害

都額嶺在城東二百里

融江即潭江自貴州發源至懷遠合潯容二江入潭江經城東而南逶迤入柳城會龍江柳江達潯梧而西入於海按城南迎恩門外一小水如潭江入潭江出自西山又南半里許至下郭一小水入潭江出自老君洞靈壽溪

柳州府志

卷之四

山川

附關梁

二十

浪溪江在城東北一發源永寧州高望山一發源義寧縣大羅山西流至縣撫羅二水會合又西至長安石旗口入於融江

李獲江在城東北一名南江西北流至主簿入浪溪江春夏水盛可通舟楫

寶江在城東北源出懷遠縣南流入縣界折而西流入融江江深廣抵浪溪江之半

武陽江在城南由羅城縣東流入縣界至新圍入融江

清流江在城東南北流入於融江長二百里淺窄多石不通舟楫

高橋江在城南四十里發源鵝頸鎮蘆荻山東流入於融江

帶江發源於鯉魚岩清溪溶演經城北環西繞南東入融江為縣城天然濠塹

背江在城北十五里其源有三名為思泉江左為通道江中為都狼江會於大約鎮南流至攬口折而東蜿蜒數十里峭壁深箐兩岸偏仄東入於融

柳州府志

卷之四

山川

附關梁

三

江以江在縣城後故名背小舟至思泉江之門田都狼江之扶問淺不可進經背江洞矜獾所居險惡殊甚

四回江在長安鎮西北二十里源出大田銅鑼山東入融江

蔡邕江在城南一里源出西崗都溝山匯於老人巖下東流入融江

靈壽溪在真仙巖內其水穿巖而流由洞口望入西山月光眇潭名為水月洞天相傳老子經此以

丹投水中飲者多壽宋守胡邦用立碣
古鼎潭在城西南八里居半山中夜間每聞潭內
有鐘笛聲歲旱求雨輒應

安靈潭在真仙巖後昔有安姓居民因雷震宅陷
成潭水色紺碧按縣志云中多靈異時聞杵聲後
因禱雨有驗封爵號建祠宋守楊幻輿有詩立碣
落杯洲在小東門外世傳有異人落杯於此遂成
洲
丹洲在城南一里

三星洲在城南三里有三小渚如三星布列
藍洲在城南高沙灘水漲不沒昔有藍姓居之故
名

烏鴉磯在城北二十五里石色如烏橫截江面波
濤洶涌俗名浪灘

懷遠縣

涼傘嶺在縣城西北三里

蒼帽山在城北二里

太白巖在城北七十里下石門右

大桂山通志作大貴山在縣西北徭人槃瓠種所居

珠玉山在城南為邑案山

榜山通志作掛榜山在城西北一里如平頭一字又名一

字文星

朝天山通志作唐朝山在城東北一百七十五里近接笏

山與湖廣通道縣分界

小坡山在城東二十里

天馬山在城東雙峯平列前後兩駕縹緲相逐如

天馬然

柳州府志 卷之四 山川 附關梁

古泥山在城北一百五十里峯巒環抱嵐氣凝聚

舊志潯江源出焉

平山在城北五里宋建平州即此地

蕉花山在城西十五里

獨崗山在城西北一百六十里

古生山在城東一百七十里

林溪山在城東北一百六十里

千岡山在曹榮甲

西山在城北十五里

白雉山在城東北六十里
信崗山在城西北二百里
石門山兩山峭壁對峙如門凡四一在塘窟之上
一在四江身一在大容江一在沙泥
武寧山在桐木村後離城九十里其峯尖秀如削
高出群山上遠近皆見為一邑之望俗傳上有仙
亭仙桃等物人着意尋之弗見又名為珍珠山
鳳凰山在城東南兩山對峙如鳳凰狀
大耀山在城北十餘里

群甃山在大容江勇尾地

九曲山在下石門西高萬仞怪石巉巖中流一泓
碧練千尺

猫兒山在城東曲徑迤邐林木陰翳西邊水出板
江東邊水出桐木合流

龍頂山在獨崗至貴州黎平府五十里屬洪州平
價村交界

大傘山自林溪過稿鋪長三十餘里山頂分界東
北水出湖廣綏寧西南水出縣界

獅子山在軍聽潭西其山形似獅項下繫五銅鈴昔傳有獅子現形於此

仁子山在寨淮

扶勞山在縣治北

楓木嶺在下猺龍

出米石在軍聽潭西見寺觀

古平嶺由桐木過白泉延袤二十餘里中有十二盤其高萬仞

大重嶺在塘窟之北與老堡交界

柳州府志

卷之四

山川

附關梁

十五

天鵝嶺在河裡銅鑼交界

牛郎嶺在江邊大里交界

香爐巖在石門頂上相傳有仙人修煉於此遺跡

尚存又東邊石似虎形名虎石

琴瑟界離縣治四十餘里在武洛八薑進至獨崗

青嶺界在永吉上崗沙泥村對河至綏寧縣三十

里與西龍交界前明於此立堡

通天寨在大營崗黃土塘北接湖廣綏寧東接桂

林義寧西南屬縣界綿亘數十里其高萬仞俗名

都天嶺

容江在城西北八十五里廣輿記作融江考貴州黎平府永從縣載有容江水出曹滴司合清水江舊志載容江出清水江由古州而達於老堡則是係容江無疑對面係老堡灘有三王廟最靈斗江一自義寧縣丁嶺隘發源其水東走義寧為桑江西走灘頭抵龍勝乃通舟楫直達懷遠一自湖廣城步縣下都乃村合沙泥水流入由古坭陳村以達潯江左右二水相關又名關江

柳州府志

卷之四

山川

附關梁

五

西波江在城東北四十餘里自白雉山會合大江板江在城北源出扶勞山入大江

古州江出黎平西苗地經石門山而南繞縣西又南入容江

田寨江在城北三十五里由田寨丹竹諸村入六江

蕉花江在城北出蕉花村自江口東入大江
軍聽潭在城北三里深十數丈一碧萬頃四時澄澈

石門潭石壁對峙如門

古泥潭在城北一百五十里潯江中有二聖廟
老堡灘即舊縣下自老堡右為潯江左為容江
馬鬣灘在潯江中最險上下用纜方可行舟
諸葛營在容江中直至古州接清水江

蠻石灘古為萬石鎮今廢

大灣泉在城北三十五里

治平洲在城北七十里

蕉花小江源出西山泉城北十五里流入大河

柳州府志

卷之四

山川

附關梁

五

田寨小江源出大灣板江小河源出白雉山經縣
北入大河石跟小河源出林溪山斗江小河源出
古生山經縣東北入潯江

腮江小河源出信崗山猛團江源出崗山經縣西
北入容江

裏古洲在城西北二百五十里

象州

鳳凰山在州城東北北下里離州二十里山勢凌
空欲飛又嶺畔有泉名鳳凰泉

天蓋山一名獨傲山在城南三十里即獨教仙女昇仙處

居鹿山通志作石鹿山在城東北四十里上有鹿池又東北四十里為龍門寨

白面山在城南十里舊有南山寺山勢峭立砥柱象江一流又山之左有象鼻嶺又南三里為鷺鷥

巖有石如鼓呂景蒙名曰石樂巖

金雞巖在城東南二十里上刻龍巖二字內有民居

象臺山在城西隔江二里有石刻象真巖三字深處有白石如象又一統志云山上多雲氣結形如象凡年豐吏廉則現州民多見之

石門嶺在城東南十五里長列如壁分隔東西

二仙巖通志作三仙岩在城北十五里

五馬山在城西北隔江二里如駿馬脫韁奔騰跳躍山後有文昌巖又城東八里有東岡嶺上有東山寺寂照菴今圯翠壁丹巖夕陽返照下有塘名三里塘

天柱山在安中里徭山山形如柱

石人山在西鄉里香爐村上有大石遠望如人又有一巖臨江岸舊有石級可上今圯內多石刻疑即古誌所載歸隱洞

高將山在城東一百八里

卧龍山在城東南六十里東鄉里徭山

龍殿山在城東南七十里

雷隱山在城東六十里下有仙女池風土記云天欲雨則此山先有雲霧

柳州府志

卷之四

山川

附關梁

五

馬鞍山在城東北八十里上有馬鞍寺今圯又有

馬鞍洞

七層山在西鄉香爐村中有七層巖離城二十五里

列羊山在城東北八十里

龍山在城北五十里

貴人山在城南十里端石秀聳

北山在城西北七里舊有北山寺今圯

猫兒山在城西二里如猫迴頭狀

文筆山在城西南二十里尖峯秀拔如筆俗名羨女山

紗帽山在城南三十里

筆架山在城南二十里又南五里為道士峯

聖塘山在城東北一百二十里安中里徭山熱水出其下相傳昔有徭人攀藤而上見一池清冷可愛內有魚鱉桃李環繞且多猿猴又其水遠見沸出則小江泛漲

金雞山在昌化金雞村後離城八十里

柳州府志

卷之四

山川

附關梁

三

石牛山在城東四十里常有雲霧天晴遙望如牛形

天堂嶺在城東北一百里

獅子山在南鄉金雞村旁離城三十里高踞若獅子歷子山在北下離城二十五里

雙筭山在昌化離城八十里兩山對峙形若雙筭上有巖

獨崖山在北上離城六十里水中屹起巉巖高峻上有獨崖寺今圯

玉屏山在西鄉離城四十里聳若列屏遠枕城北
耳古山在南鄉離城二十里耳古灘旁有巖巖內
有石刻

旗頭山在城西北隔江八里形若旌旆

西山在城西隔江二里舊有西山寺今圯有巖石
刻六祖巖三字

馬落山在南鄉離城四十五里

尖山在西鄉離城三十里平地崛起石山尖秀凌
空高數十丈

寶雁山在西鄉離城五十里上有寶雁巖

龍女山在昌化離城八十里上有龍女洞洞內石
成基址如田坵取水溉於中俗傳仙田

長列嶺在東鄉離城六十里山勢綿亘上有長列
巖

新寨嶺在安上離城七十里

竹高嶺在南鄉離城五十里

大圍嶺在南鄉楊柳村旁離城四十里

大歇嶺在南鄉離城十五里

落才巖在落才村側

烏嶺在北下離城三十五里又山左有風火嶺風火洞

半月巖在城北巖臨江岸形如半月

甕嶺在北下離城二十里

仙女洞即古誌丹洞在熱水村有石刻仙女洞三字

佛子嶺在城東北十里

雞心峯在城北十里

柳州府志

卷之四

山川

附關梁

三

羅漢巖在安中仁義村旁離城八十里

野黎巖在南鄉野黎村前離城五十里

沐恩巖在北下沐恩村離城二十里

象江即柳江流經城西溯流而上至江口分流右至雒容運江界六十里左下永福江達蘓橋

七里江在城東北四十里源出黃田徭流入象江十里江在城東十里源出上沐恩村

熱水江在北下里源出甕嶺自南北流至熱水村溫泉出江旁因名熱水江三水皆合流州北十里

入象江

凌田江在城東北二十五里源出濮泉入象江
濮泉在城東四十里松桂森羅水石交映
牛角江在城東北十五里源出天蓋山流入象江
仙女池在城外天蓋山
龍角池在北門內舊州署後有石笋二柱突起如
角立苑置亭昔稱名勝今燬
橫橋江在北下里源出馬黎村自南北流至鹿村
入象江

柳州府志

卷之四

山川

附關梁

三

落才江在南鄉里西南一源出上廖村東南一源
出野黎村北流會落才村至北上里那鹿村下入
仁義江

大樟江在安上里正南一源出東溫猺入安上里
花菜村近東又源出三江門入安上里六弄村合
流惠濟侯祠達大樟村

白丈江在東鄉里上流正南即大樟江正東為都
落江源出河頭猺入東鄉里東安堡合流達白丈
村曰名又自南北流達仁義村稱為仁義江通小

舟為客商買遷之所

香草江即江頭江在安中里源出聖塘山兩岸多香草產魚有異味名香草魚

羅脉江在昌化里源出長洞徭經羅脉村西流至北上里蓬容村會仁義江

下里江在昌化里上流源出金村徭入昌化屯吉堡經下里村西南流會仁義江

運江在城北五十里上流即仁義江為州境與維容分界之所東七里水皆滙此入象江

柳州府志

卷之四

山川

附關梁

三

古城江在南鄉里源出武宣那移徭入州南鄉里引龍村今古城村西流至金雞入象江

都落江在西鄉里源出西鄉上茂村南流入象江即村江在西鄉里上流正北源出水村正東源出

六望村合流經郎村入象江

大浪灘在象江上離城二里

牛角灘在象江上離城十里

野鬼灘在象江上離城十五里

麻子灘在象江上離城三十五里

金灘在象江上離城三十里
黃茅灘在象江上離城三里
叭喇灘在象江下離城十里
耳苦灘在象江下離城二十五里
火星塘在城內近北城下為三漏之一
大蓮塘在北下譚村離城二十五里蓮甚茂
頂塘在昌化稼村離城七十里
左村塘在西鄉離城五十里
三义塘在北下離城三十五里

四會塘在南鄉離城四十里
石人塘在北下重山村離城四十里有石如人形
五潮泉在北下六漏村其水有潮如海每日五次
潮時水則滿起旁徹田畝落則低下僅有水從泉
口細流今每日尚有三潮
古星泉出南鄉古星村山頂
木鸞泉出西鄉木鸞山頂
大樂泉在昌化里大樂塘平地中其水澄澈冬温
夏涼

井泉出隆興村山頂

北關泉在城北半里其水清美

南橋泉在城南半里南橋上流

大黎泉在大黎村

東泉在城東半里

大井泉在南鄉大井村離州四十里

青潭在象江下十里

牛潭在象江上三里

龍舌洲在城西北隔象江洲形尖如舌長抱州城

柳州府志

卷之四

山川

附關梁

三

黃昏洲在象江上離城二十里

雞籠洲在象江下離城三十里

來賓縣

龍境山

通志作龍鎮山

在縣治北一里三峯鼎峙故俗名

三台山按龍境山本不甚高通志載高扶雲際則

傳聞之誤也

雙泉巖在城西北一百里有泉冬溫夏涼相傳昔

人肄業其中常患無水忽一日雙泉湧出故名

金峯山在城南六十里上有瓦寺為唐時遺跡釋

氏所稱第一代祖宋紹興八年留偈此山碑尚存
字迹莫辨

八仙山在城南五十里山顛亘巨石方正若臺臺
上有石八如礎狀山下有泉每日蚤午晚三涌他
時則涸

八雲山在城西十里

石牙山在城南八十里平地有石峻峭如牙接貴
縣龍山

居松山在城南三十里秀出群山為一邑之望號

柳州府志

卷之四

山川

附關梁

三七

曰文筆山頂有石盆金鯉桃結實可食若有意往
取雲輒迷路

雷山在城南三十里

賈利山在城東三十里

思玉山在城北四十里相傳有人得玉於此後再
求之不獲

雙髻山在城東四十里山形相對如髻晚霞朝靄
掩映更佳

武神山在城西三十里僧武志修煉於此詳仙釋

龍崗巖在城西十五里有巖洞三其第二巖有三石臺狀若蓮花不假人工因塑三大士像於其上旁有穴深不可測以石投之殷殷作雷鳴相傳龍蟄其中故名龍洞其第一巖有石笋卓立長丈許好事者琢成接引佛故又名石佛巖雨餘星曉白雲圍抱景致幽絕因又名白雲洞按通志載龍崗山在城西十里石佛巖在城西十里餘又載白雲崗在城北三十里其實一也
白牛洞在城西南六十里中有白石狀如牛

龍鎮巖在城北六十里巖深數里初入有鍾乳融結似真武像前亘巨石如龜巖口有樹高數丈圍稱是春月葉未放苞如筆作殷紅色俗呼為筆蕉疑即辛夷也

大江源出滇南由遷江流經縣城西七十里至都泥江口合柳江歷武宣內有蓬萊黃牛古塔諸潭最稱險惡舟子動色相戒猶徃徃覆溺水入夏即紅頃刻漲數丈巨木枯枝與流俱下至秋深水乃定名紅泥江

牂牁水流經縣西合紅水江

雷江源出新慶村流入大江昔有毛雷捕魚於此
回名

白馬溪源出白牛洞流經縣南入大江

蓬萊島在縣治下水十里古循德縣署址山光水
色映碧浮青頗具勝概

定清江源出清水堡流經縣北合紅泥江
白雲浦即俗所稱茶浦在城北三里山水清佳為
邑人遊宴之所

柳州府志

卷之四

山川

附關梁

三九

所井在城隍廟後

義井在北門內

瑞應泉在城北一里許龍勝山後乾隆十五年知
縣湯奕濬砌之以甃

格欄泉在城北八里泉出於石最為清冽

關梁

馬平縣附郭

振柳營在柳江南岸

三門堡在城東二十五里

水南堡今廢

三江堡在城南十五里

白面堡在城南五十里今改白面塘

官道堡在城南六十里

威寧堡今廢

穿山堡在城南八十里

響水堡

界牌堡

烏石堡在城南一百二十里

柳州府志 卷之四 山川 附關梁

雞公鎮在四都

國朝雍正十年設

三都鎮在三都五都亦有鎮今廢

東溪橋在城東

太平橋在城東半里

接龍橋在縣學前岸今圯

王家橋在城東一里

五鞏橋在城西門外北隅

柳橋在城西

安定橋在城西二里明永樂年間知府馮應坤建
大橋在城北二十里

喇堡橋在柳江南

五里橋在柳江南左江孔道

三江橋在城南十五里

軍步橋在城南二十五里

潯羅橋在一都大路

穿山橋在城南

新興堡橋在柳江南左江驛路

柳州府志 卷之四 山川 附關梁

里

東門渡在城南

鎮南門渡即大南門官渡古題通津烟雨四字

靖南門渡即小南門渡

中渡在城東南中寨

三門江渡赴省驛路

社灣渡在城南八里

雒容縣

都勒隘在縣城北九十里又橋屯隘平經隘舊志
明萬歷二年官軍既平洛斗諸巢乃於三隘設兵

分屯阨塞

高天堡在城東南六十里東去平樂府修仁縣一百二十里舊為盜賊出沒處

長生橋在城東七里

國朝雍正九年重建

牛皮橋在城東二里

花山橋在城東三十里今圯

乾橋在城東四里

接龍橋在城西門外

柳州府志

卷之四

山川

附關梁

里

高車橋在縣治一里明洪武間建

三板橋在城北七十里

喇墩橋在城北八十里

東江橋在洛清鄉舊縣東

西江橋在洛清鄉舊縣西

三門江渡在城西三十五里額設渡夫二名其工

食與馬平縣共給船亦兩縣捐修

山道江渡在城東三十里額設渡夫一名

柳城縣

金雞隘在城西八十里

磨鎗隘在城南四十里相傳宋楊文廣征儂智高磨鎗處

硃砂隘在城東八十里舊出硃砂因名

大巖隘在城北九十里界連羅城

石林隘又名香爐隘在城北七十里

古木隘在城南二十五里通府城大路

六江隘在城東八十里界連融城

獨山隘在城北九十里界連羅城

柳州府志

卷之四

山川

附關梁

里

馬煉隘在城南二十里界連馬平五都

北東隘在城西八十里界宜山三岔

金銀隘在城東六十里舊出銀砂故名

富龍橋在城北七十里宋淳祐間覃文察建

和尚橋在城西一里

永定橋在城東北十里跨楊村江西北通融縣羅

城南達府治今橋圯址存

應積橋在城西十里

龍華橋在城西六十五里通慶遠大路

高贊橋在城北七十五里

張公橋在城東六十里

沙子橋在城南二里

寡婦橋在城西三十里相傳有寡婦濟渡水暴漲不能涉悲啼甚楚水為之消後建此橋因名

古木橋在城南三十里

龍頭橋在城北八十里

橫冲埠離城八十里

黃泥埠離城六十里

柳州府志

卷之四

山川

附關梁

四

北巢埠離城五十里俱河界宜山最為要隘

落橫埠離城二十里河界馬平路通五都

金灘在城東六十里冬月水涸可涉通西北二鄉

羅城縣

長嶺隘通平西里

翁崗隘通天河縣

白石隘

大塘隘

長沙隘通中崗柳城縣

中崗隘通柳城宜山兩縣有于公碑記

舊志于公云余順治十八年到任寇賊斂跡西鄉獐賊即有鼠竊旋追退還康熙四年歲旱荒亂隣邑天河宜山百姓素良亦乘時盜竊而西獐更為橫惡遂查閱碑記知中崗為要路然荒廢已久於本年九月內委楊巡司躬履中崗招集兵目復立防守設法給養而西賊不敢窺伺今西獐會通思農諸寇由天河南村潛入為患則中崗一堡寔不可廢又查中崗堡有土巡檢

柳州府志

卷之四

山川

附關梁

四

一考大明官制羅城有六巡司不知何年裁去今新舊全書俱未開載不知何據業已荒廢附記於此

中軍隘

石狗隘

羊角隘

丹竹隘俱通柳城

冲宜隘

德英隘

大楔隘通武陽鎮

石梯隘

門竇隘

穿山隘俱通融縣

白水隘

黃茅隘

楊梅隘

廣崗隘

冷崗隘

柳州府志

卷之四

山川

附關梁

四

烟崗隘通黃金墟四堡高照里

新城隘

香爐隘

分水隘

鵝頸隘

北高隘

冷水隘

新路隘

冲安隘俱壤接柳融

國朝雍正十年於縣東之岐山新城牛鼻香爐縣南
之大壩四八六壩堡增設防汛

歸安隘乾隆二十七年知縣胡位鑄建有茶亭
中火隘通沙拱有茶亭知縣胡位鑄建

大脇隘通四堡

楓樹隘

崗側隘

馬鬃隘

崗敏隘

柳州府志

卷之四

山川

附關梁

四

凉水隘俱通道鎮

通道鎮在城東北二百里延接貴州西山土司界
重山隔越去縣最遠瘴癘倍甚寇掠時出雍正八
年分置隘汛添設千總駐防

西江橋在城西門外

大橋在城東九里

永安橋在城西門外

大英橋在城西十二里明洪武十八年建

上邊橋在城西十五里元至正二年建

小溪橋在城東北四十里明洪武八年建
遶江橋在城西十里跨東黃山水宋寶祐二年建
良村橋在城西九里明永樂九年建
右門橋在城北七里明洪武二十九年建
浮橋在黃金墟康熙四十年庠生李鳳來等建
中伙橋在中伙塘康熙九年黃白喬等募建
雙板橋在地良村康熙九年莫有貞等募建
楓樹橋在歸順堡康熙十二年韋富召等募建
暖水橋跨牛嶺小江乾隆十七年梁振邦建

柳州府志

卷之四

山川

附關梁

哭

柳木橋明崇正二年吳朝向等建

樂登橋在城南十里西江下流有曲三潭深不可
測江流湍急邑人修橋三拱鑿石為龍形明洪武
十八年建旁舊有開元寺相傳寺有鐘神异夜與
江水石龍鬪淪沒江中寺僧覓鐘無迹每夜聞鐘
鳴江中倩衆百人莫能拔後亢旱水淺土人敲石
龍尾去鐘亦不鳴石上有仙人足跡稱為樂登仙
跡日久橋圯乾隆二十五年知縣胡位鑄率邑人
吳大鵬張士綱重建

融縣

花塘隘即蓮塘堡在城東北一百六十里界連永

寧八寨

四丁隘 嗎歎隘俱在城東北一百三十里與永

寧州桂臨山背四羨等處蠻獠相接

峯門隘在城東九十里與六婆永寧界蠻獠相接

新路隘在城西南六十里與羅城武陽鎮冲羅冲

菴諸蠻獠相接

香爐隘在城西南五十五里界連羅城武陽鎮六

柳州府志

卷之四

山川

附關梁

四

安村

分水隘 鵝頸隘俱在城西六十里界連羅城武

陽鎮崩山扶竹等村

鐵嶺隘在城西四十里與羅城通道鎮公景減原

東華燕崗諸蠻獠相接

攬口隘在城西北十五里崇山茂樹為背江通道

撞猺諸蠻水路出入要路

都狼隘在城西北一百里與上藍白竹林崗諸蠻

猺相接

雀兒隘在城西北二百八十里與陽崗洞苗相接
高霧嶺 瑤臺嶺俱在城西北三百里屬貴州地
與西山司相接

沙子堡又名都蚤堡在城東一百里

永安堡在城東北一百七十里二堡皆係要隘提
標前營撥兵防守

石門橋在城北十五里元至正四年建
永福橋在城北四十里宋淳祐六年建
子黎橋在城南三十里宋皇祐初建

柳州府志 卷之四 山川 附關梁

五十

洞門橋在老君洞前

裕後橋在城西一里跨玉華水舊係木橋

國朝康熙二十一年紳士王卿等砌以石改名金冢
橋

高橋在高橋村

接龍橋在城北五里

四丁橋在四丁村

棠陰橋在城南二里舊係木橋康熙五十年紳士
王倬等改造石橋乾隆五年重修

裕民橋在城西南一里舊係木橋雍正二年知縣張乃蘊生員陽春華等改造石橋

惠民橋 通濟橋 壽溪橋俱在城南五里宋紹

定間提點天慶觀杜應然建

上橋在長安鎮背寨

丹江橋在城西南五里明萬歷間把總吳自學建後圯乾隆二十二年耆老周子述庠生唐良臣等募建

潯陽古渡在城東南十五里今改設博博塘去潯陽

柳州府志

卷之四

山川

附關梁

五

里許乾隆十九年潯陽私渡尚存為鼠竊便徑當事嚴禁乃戢

高街渡在城東南五十里

和睦渡在城東南六十里

浮石渡在城北三十里

長安渡在城北七十里

懷遠縣

老堡在縣城北八十里

懷治堡在溶江口舊縣

平治堡在舊縣

懷安橋在城東南二里

茶澗橋在城南二里

珠玉渡在城南五里今廢

東江渡在潯江北

北江渡在城北三十里田寨江

四圍江渡在城西北渡夫三名
歲支工食

稅廠在東門外河旁

象州

柳州府志

卷之四

山川

附關梁

五

東關在州城東門外久圯

南關在城南門外舊有二關內重關原題額曰迎

恩久圯址存

北關在城北門外久圯

狼村隘在城西四十里狼村塘前兩傍石山中穿

一徑為西鄉要隘

杉朗隘在城南十里

古董隘在安上離城九十里

南隘在昌化離城九十里

廣濟橋在城東月城外

成旺橋在城東北十五里明萬歷間建

國朝乾隆十年重修

古鳳橋在城東北三十里

熱水橋在城東十八里

橫頭橋在城東三十里宋淳熙十年建

廣化橋在城東六十里元泰定四年建

通濟橋在城東北三十里

東安橋在城東六十里

柳州府志

卷之四

山川

附關梁

五三

十里橋在城東十里明洪武二年間

揚柳橋在城東六十里

雲錦橋在城中元時建明洪武間重修今圯

土橋在城南三里明洪武二十年建

鳳凰橋在城北十八里

落才橋在城東四十里

中平橋在城東六十里雍正二年里民何世長等

建

大樂橋在城東北一百里雍正七年里民譚元耀

等建

沙江橋在城西隔江四里雍正十年重建

象江渡在北門河下

西江渡口在西門外為州治水陸要津向係土礮沙隄水漲則泥濘險隘每有顛溺之患水落則高峻數十丈勢陡難行諺云象州武宣挑水上天即此乾隆二十二年知州蔣曰棻捐俸鳩工創為石馬頭一座高五十餘丈逐層安礎以固堤工中造月臺盤曲而上以緩水勢波濤雖險衝決無虞

柳州府志

卷之四

山川

附關梁

十四

來賓縣

迎恩堡在縣城北六十里

鴉羅堡在城西三十五里有土城及東西門甕故跡

廣濟橋在城東門外明嘉靖間建

石塘橋在城東三十里

國朝康熙十六年貢生劉定邦募建

馬村橋在城東十五里康熙三十八年里民方維憲等募建

老里橋在城南三里

韋里橋在城西二十里雍正四年監生朱子元捐建

喬桂橋在城西二十五里陳村橋在城西三十五里三印橋在城西五十五里康熙年間庠生朱子元里民權富通等並募建

三里橋在城北康熙五十三年里民歐君贊等修五里橋在城北五里七里橋在城北七里康熙四十九年里民戴國鑑等募修

柳州府志

卷之四

山川

附關梁

五十五

應嗣橋在城北二十里清水橋在城北三十里龍降橋在城北六十五里康熙年間里民戴國鑑等並募修

老將橋在城北三十五里雍正二年里民韋光耀重修

迎恩橋在城北六十里康熙年間駐防把總藍陳斌募建

大橋在城南三十里

仙霞橋在城北三十里康熙四十二年把總藍陳

斌重修

林莫橋在城西五里

長通橋在城西南十里明成化間建今圯

正平橋在城南十里元泰定間建今圯

景成橋在城北二十四里元至正間建今圯

橫泗橋在城東北十里

瀑水橋在城南三十五里橋圯已久乾隆二十三

年邑庠生石之琮重修

西津渡又名上渡在西門外

柳州府志 卷之四 山川 附關梁

老鴉渡又名下渡在城南五里

白沙渡在城東三十里

鎮江渡在城北二十里

唐權渡在城西北四十里

周平渡在城西五十五里

柳州府志卷之四終